



## Publicaziuns dalla vischnaunca, jamna 4

### Damonda da baghegiar

**2015-1000.000**

**Datum dalla publicaziun: 23 da schaner 2015**

**Il patrun:** Ignazi Jacomet-Cabalzar, Via Peisel 22, 7186 Segnas

**Il representant:** Ignazi Jacomet-Cabalzar, Via Peisel 22, 7186 Segnas

**Object:** Sanaziun dalla tegia, parcella 3927, Barschaus, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 21 da schaner 2015

*Uffeci da baghegiar Disentis/Mustér*

---

### Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou sua-ndont project:

**Nr. 2014 – 2104.000**

Sonja e Stefan Coray-Capaul, Via Run 9, 7180 Disentis/Mustér; adattar il parcadi, parcella 567, Via Run, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 19 da schaner 2015

*Uffeci da baghegiar Disentis/Mustér*

---

### Cussegl da vischnaunca

#### Preventiv 2015 e plan da finanzas 2016–2020

En sia seduta dils 16 da schaner 2015 ha il cussegl da vischnaunca sut il tgamun dad Edgar Dur-schei tractau il preventiv 2015, il plan da finanzas 2016–2020 e la revisiun parziala dil regulativ pil menaschi dil Center da sport e cultura.

Il november 2014 ha il cussegl da vischnaunca returnau il preventiv 2015 alla suprastonza communal cun l'incarica da definir mesiras da spargn persistentas per aschia obtener in pli ault cash-flow. La finamira tschentada ei vegnida contonschida ed ei seresulta in cash-flow da rodund frs. 970 000.–. Quei ei mo stau pusseivel grazia al grond engaschi dalla suprastonza communal e dalla buna collaboraziun cun la cumissiun parlamentara e la cumissiun da gestiun. En consequenza dils buns quens dils onns vargai ha la vischnaunca saviu reducir marcantamein il deivet netto sin rodund 5,2 milliuns francs ed entras amortisaziuns supplement ras era la facultad administrativa. Cheutras ein las amortisaziuns ordinaras sereducidas sin frs. 775 600.–. Muort la megliera situaziun finanziaria dalla vischnaunca ein investiziuns indicadas e responsablas. Il preventiv 2015 preveda investiziuns da frs. 4,68 milliuns ed entradas da frs. 2,85 milliuns. Cheutras seresultan investiziuns da netto frs. 1,83 milliuns. Las grondas investiziuns ein la sanaziun dalla Via Sogn Gions, la canalisaziun Chischliun-Scaletta sco era la punt e renaturalisaziun dil Rein a Fontanivas.



Il cussegl da vischnaunca ha approbau il preventiv 2015 sco era concediu in credit da frs. 250 000.– per las investiziuns previdas el Center da sport e cultura. Plinavon ha il cussegl da vischnaunca priu enconuschientscha dil plan da finanzas 2016–2020. La revisiun parziala dil regulativ pil menaschi dil Center da sport e cultura ei medemamein vegnida approbada.

*Suprastonza communal*

---

### Referendum facultativ

A caschun da sia seduta dils 16 da schaner 2015 ha il cussegl da vischnaunca approbau unanimamein il preventiv 2015 sco era concediu in credit da frs. 250 000.– per sanar ils indrezs da fitness ed elaborar in project cumplessiv e plan da finanziaziun pil Center da sport e cultura.

Conform ad art. 21, lit. a resp. c dalla constituziun communal ein quellas decisiuns suttamessas al referendum facultativ. Il preventiv 2015 sco era il messadi tier sura duas fatschentas ein exponi per investa en casa communal (stanza nr. 10).

Enteifer 20 dis dapi la publicaziun ufficiala han 80 votants la pusseivladad d'inoltrar enviars sura conclus il referendum e pretender ina votaziun dil pievel.

*Suprastonza communal*

---

### Fiera tessinesa

Naven dils 25 da schaner e silsuenter mintga dumengia entochen ils 29 da mars 2015 ha liug la fiera tessinesa sco igl unviern vargau. Ils stans vegnan endrizzai sin il parcadi ad Acla da Fontauna denter la Via Alpsu e la Via Acletta. La fiera ha liug mintgamai naven dallas 11.00 entochen allas 18.00.

*Administraziun communal Disentis/Mustér*

---

### Gidontras e gidonters per la Cuorsa dil Rein

Nus duvrein Tiu agid! Has Ti gust e temps da segidar al di dalla otgavla ediziun dalla Cuorsa dil Rein che ha liug dumengia, ils 7 da zercladur 2015? Tias lavurs ein buca stentusas, mo per nus da grond nez. E vitier dat ei aunc in regal ed in puschegn! Fuss quei enzatgei per Tei? Informaziuns ed annunzias sas Ti far cun in e-mail ad [info@cuorsadilrein.ch](mailto:info@cuorsadilrein.ch) ni cun in telefon alla numra 081 947 47 32. Engraziel fetg gia ordavon!

*OK la Cuorsa dil Rein*

---

### Chor Surselva

Il Chor Surselva envida **sonda, ils 24 da schaner 2015** al concert annual en sala Peter Kaiser. «Canto General y Pasion Flamenca» cun cant, sault, musica e «Tapas». «Tapas y vino» las 18.30, concert las 20.00.

Beinvegni!  
*Mira inserat!*



### Apparats d'udida

**Gliendisdis, ils 26 da schaner 2015** saveis Vus schar schubergiar e regular Vies apparat d'udida naven dallas 14.00–16.00 el Puntreis, Center da sanadad a Mustér, Via Cons 11. Signur Arthur Jacomet fa quei survetsch per tuts interessents gratuitamein.

Cordiala invitaziun  
*Puntreis, Center da sanadad*

---

### Producziuns finalas Movis – Moviment e sault

#### Preavis

11 gruppas d'affons, da giuventetgna e carschi festiveschan  
15 onns plascher da saltar e presentan lur coreografias en halla Cons a Mustér.

**venderdis, ils 17-4-2015, allas 20.00**  
**sonda, ils 18-4-2015, allas 17.00 e 20.00**  
**dumengia, ils 19-4-2015, allas 14.00**

Sin Vossa viseta selegnan  
*ils Movis*

---

### Center sursilvan d'agricultura Medegar animals cun mieds da casa

Discussiun davart il cudisch «Jenzerwurz und Chäslichrut» cun dunna dr. med. vet. Franziska Klarer e Gion Battesta Manetsch, **venderdis, ils 23 da schaner 2015** allas 20.15 el Center sursilvan d'agricultura Mustér.

Entrada libra, collecta. Il cudisch «Jenzerwurz und Chäslichrut» sa vegnir cumpraus directamein dalla autura.

Cordial beinvegna.  
[www.agricultura.ch](http://www.agricultura.ch).

### Gesammeltes Heilpflanzenwissen von Bündner Tierhaltern\$

Diskussion über die Entstehung des Buches «Jenzerwurz und Chäslichrut» mit Frau Dr. med. vet. Franziska Klarer und Gion Battesta Manetsch, **Freitag, 23. Januar 2015**, 20.15 Uhr im Center sursilvan d'agricultura Disentis/Mustér.

---

### Secziun da catschadurs Péz Alpetta Radunonza generala

**Venderdis, ils 30 da schaner** allas 20.15 el hotel «Alpsu».

Cordialmein envida  
*la suprastonza*



**Uniun da dunnas Mustér  
Preavis**

La **radunonza generala** dall'uniun da dunnas ha liug **mesjamna, ils 25 da mars 2015** allas 19.30 el hotel Alpsu.

Per la suprastonza  
*Fabiana Candinas*